

Qhov Kev Kawm Cov Hom Phiaj (Course Goals):

Zoo Siab Txais Tos Koj los Ua Ib Tus Neeg Yus Muab Tswv Yim Pab Yus Tus Kheej (Self-Advocate)!
Nyob hauv qhov kev kawm no koj yuav kawm kom paub txog:

- ❖ Cov lus siv rau tus mob xiam oob qhab
- ❖ Tshawb nrhiav kom paub txog koj tus mob thiab cov kev pab uas koj xav tau
- ❖ Tshawb nrhiav kom paub cov hauj lwm koj nyiam ua hauv lub neej
- ❖ Kawm kom paub cov cai lij choj thiab koj cov cai
- ❖ Tsim kom tau cov hom phiaj
- ❖ Npaj rau txoj kev kawm ntawv thiab ua hauj lwm

Thaum koj ua tiav lawm, koj yuav paub zoo dua qub seb yuav ua li cas thiaj kawm tau ntawv thiab ua tau hauj lwm zoo!

Nco Cia!

Qhov kev kawm no yog tsim los pub rau koj nyeem ntawv raws li koj rab peev xwm ua tau nrawm los tau qeeb. Koj yeej rov qab mus saib tau koj cov ntawv yog hais tias koj xav rov qab mus saib seb yog li cas lawm.

Tshooj (Chapter) 5: Kev Kawm Ntawv tom qab Kawm Tas High School

Nyob zoo, kuv yog Ms. Jordan dua ib zaug ntxiv. Kuv yuav coj peb mus kom thoob tshooj (chapter) no. Koj npe hu li cas?

Lub Ntsiab Lus:

Yuav kom kawm tau zoo nyob rau them siab (postsecondary level), ua ntej tshaj plaws koj yuav tsum paub tias tsis yog txhua txhia lub tsev kawm ntawv thiab kev cob qhia yuav zoo ib yam xwb. Nyob hauv tshooj no yuav muab lub sij hawm rau koj kom pom seb cov tsev kawm ntawv colleges txawv cov high schools li cas. Koj tseem yuav kawm kom paub seb yuav ua li cas thiaj nkag tau mus kawm hauv cov tsev kawm ntawv colleges.

Kev Kawm Cov Hom Phiaj:

- ❖ Tshawb nrhiav kom paub college cov websites, tsev kawm ntawv cov kws pab tswv yim (school counselors) thiab cov me nyuam kawm ntawv hauv college tam sim no.
- ❖ Tshawb nrhiav kom paub seb yuav ua li cas thiaj nkag tau mus kawm rau hauv colleges.

Kuv yuav pib li cas?

Cov neeg uas muaj mob xiam oob qhab yuav muaj ntau yam uas lawv ua tau thiab muaj ntau yam uas lawv xav tau kev pab thaum lawv hloov ntawm high school mus rau college.

Koj twb taug txoj kev mus txog rau ntawm qhov yus muab tswv yim pab rau yus tus kheej (self-advocacy) lawm, yog li koj yeej paub tias nws tseem ceeb npaum cas uas yus yuav tau paub txog yus tus kheej rab peev xwm.

Ntawm no yog ib tsab ntawv xov xwm (article) uas tej zaum kuj yuav pab tau koj to taub seb yuav ua li cas thiaj mus thooob tsev kawm ntawv college tus txheej txheem ua ntaub ntawv. Nias rau ntawm qhov txuas hauv qab no - Selecting a College for Students with Disabilities (Kev Xaiv ib Lub College rau Cov Me Nyuam Kawm Ntawv Uas Muaj Mob Xiam Oob Qhab).

<http://www.ldonline.org/article/11772/?theme=print>

Ib cov lus siv tseem ceeb (terms) uas koj yuav tau paub xwv kom koj thiaj to taub zoo hais txog tus txheej txheem xaiv thiab rau tau npe mus kawm rau hauv ib lub tsev kawm ntawv college yog dab tsi?

Cov Lus Siv Ntsig Txog College (College Related Terms)

Cov Hluas Kev Xyaum Ua Hauj Lwm (Youth Apprenticeship): Ib qhov *kev xyaum ua hauj lwm* yog ib txoj kev kawm uas npaj cov me nyuam kawm ntawv rau txoj kev ua hauj lwm uas yog muab kev cob qhia hauv chav kawm thiab them nyiaj rau lawv nyob rau ntawm txoj hauj lwm.

Cov Hluas Cov Kev Xaiv Ua (Youth Options): *Cov Hluas Cov Kev Xaiv Ua* yog lub xeev ib qho kev pab cuam uas cia cov high school juniors thiab seniors uas kawm tau zoo mus kawm rau cov kev kawm them siab (postsecondary courses) uas muab suav tau mus ua college credit thiab suav rau cov qhab nias kawm tas high school.

Cov Kev Kawm Tas Ua Ntej Los (Prerequisites): Ib qho *kev kawm tas ua ntej (prerequisite)* yog ib hoob kawm uas koj yuav tsum tau kawm kom tas ua ntej koj mus kawm rau ib hoob nyob them siab dua (higher-level class). Muaj ib cov hoob kawm qib siab mas koj yuav tau kawm ib cov hoob kom tas ua ntej (prerequisites) mas koj thiaj tau kawm cov hoob ntawd.

Cov Ntawv Xeem Kom Nkag Tau Mus Kawm (Entrance Exams [Tests]): Ib cov ntawv xeem uas kheev yuav tau ua xwv kom thiaj tau nkag mus kawm rau hauv cov tuam tsev qhia ntawv qib siab. Ob yam ntawv xeem uas kheev muaj kom thiaj nkag tau mus kawm yog SAT thiab ACT. Nws yog ib qho tseem ceeb uas yuav tau tshawb nrhiav kom paub seb yam ntawv xeem twg (cov twg) yog cov uas lub tuam tsev kawm ntawv qib siab lees txais ua ntej koj mus ua ntawv thov nkag.

Cov Ntawv Xeem Kom Paub Seb Yuav Muab Koj Tso Rau Hoob Twg (Placement Exams [Tests]): Tom qab cia kawm lawm, nws yog ib qho kheev ua los mus rau cov me nyuam kawm ntawv uas nkag mus kawm college kom lawv los mus xeem rau qhov kom paub seb yuav muab lawv tso rau hoob twg (*placement exam/test*), uas cov ntawv xeem kuj muaj xws li hoob leb (math) los yog xeem lus txawv teb chaws (foreign languages). Cov ntawv xeem no yog ua kom paub txiav txim seb yuav xub muab lawv tso kawm rau theem ntawm hoob twg.

Qhov Ntawv Kawm Txog Ib Yam Dab Tsi (Majors): Ib qho *ntawv kawm (academic major)* yog qhov kawm txog yam uas tus me nyuam kawm yuav tau rau siab ua kom tiav. Kev kawm kom tiav theem undergraduate degree yog qhov uas tus me nyuam kawm ntawv yuav tsum ua kom tas nws qhov ntawv kawm rau yam ntawd (academic major).

Advanced Standing: *Advanced standing* yog qhov lees paub thiab tus credit muab rau cov kev kawm yav tas los nyob lwm cov tuam tsev kawm ntawv.

Txo Cov Credit Kom Tsawg (Reduced Credit Load): Ib qho *txo cov credit kom tsawg* yog txhais hais tias kawm tsawg dua 12 credits hauv ib semester nyob rau ntawm ib lub tsev kawm ntawv qib siab (postsecondary institution).

Nqi Ntawv (Tuition): *Nqi ntawv* yog tus nqi them rau lub tuam tsev kawm ntawv qib siab.

Nqi Them (Fees): *Nqi Them* yog ib tus nqi uas yuav tau them uas muab tsub ntxiv rau tus nqi kawm ntawv, kheev yog them rau cov chaw kawm ntawv nyob ntawm lub tsev kawm ntawv los yog cov nqi them rau kev siv technology.

FAFSA: *FAFSA* yog txhais hais tias Free Application for Federal Student Aid. Nws yog ib daim ntawv ua tsis tau them nyiaj uas koj yuav tsum tau ua txhua xyoo mus thov cov nyiaj pab kawm ntawv.

Nyiaj Pab (Grants) thiab Nyiaj Txais (Loans):

Nyiaj Pab (Grants) yog peev nyiaj pab uas muab rau cov me nyuam kawm ntawv them rau college. Cov nyiaj no tsis tas yuav tsum tau them rov qab.

Nyiaj Txais (Loans) yog cov nyiaj muab rau cov me nyuam kawm ntawv them rau college, uas yog ib cov nyiaj yuav tsum tau them rov qab (ntxiv qhov nyiaj paj [interest]).

Okay, tsam no koj tau ib cov tswv yim thiab paub ib cov lus siv rau qhov no lawm, nws yog lub sij hawm tham mus ntxiv kom meej dua hais txog tus txheej txheem xaiv ib lub tsev kawm ntawv college. Nco ntsoov teev lus cia kom koj nco qab thaum peb tham mus tom ntej – koj yuav siv tej no los mus tshawb nrhiav ib cov tsev kawm ntawv yam tom ntej.

Kev xaiv ib lub College – rau cov me nyuam kawm ntawv muaj mob xiam oob qhab.

Kev xaiv kom tau ib lub college kuj tsis yooj yim. Yog hais tias koj yog ib tus muaj ib tus mob xiam oob qhab, nws muaj ntau yam uas yuav tau xav txog. Daim ntawv no yuav coj koj mus kom thoob qee yam.

Cov Hauj Lwm Uas Yuav Muab Los Tham:

- Hom tsev kawm ntawv colleges.
- Nrhiav tau lub haum rau yus.
- Cov kev pab rau tus mob xiam oob qhab.
- Lwm yam uas tej zaum koj tsis tau xav txog.

Hom tsev kawm ntawv colleges:

1. Technical Colleges

- Kawm xuas ob txhais tes ua kiag, cov hauj lwm muaj nyob hauv koj lub zej zos uas yuav tau muaj txuj ci kev txawj siab.
- Kheev yog muab ntawv pov thawj thaum kawm tiav (certificates), muab diplomas thiab ob xyoos associate degrees.
- Feem nyau koj yuav pom tias cov hoob kawm muaj neeg tsawg.

2. Community Colleges (2 xyoos)

- Cov ob xyoos colleges uas muab accredited Associate in Arts, Associate in Science thiab Associate in Applied Science degrees.
- Feem ntau, kheev yog muab cov kev kawm dav dav uas npaj kom koj mus kawm ntxiv rau ib lub university plaub xyoos los yog college.
- Muaj ib txhia kuj muab ntawv pov thawj xws li career thiab technical certificates.

3. Colleges/Universities (4 xyoos)

- Kheev yog kawm plaub xyoos.
- Muab Bachelor degrees thiab graduate degrees, xws li Master's thiab/los yog PhD.

4. Tsoom Fwv Cov Tsev Kawm Ntawv/Tsis Yog Tsoom Fwv Li (Public/Private)

Thaum koj xav txog qhov sib txawv ntawm ib lub mus rau lwm lub, koj yuav tsum xav txog:

- Tus nqi: Feem ntau, cov universities uas yog tsoom fwv li yog tau nyiaj los ntawm cov nyiaj them se (tax dollars) ces kheev yuav pheej yig dua cov uas tsis yog tsoom fwv li. Tab sis qhov no kuj tsis yog li ntawd tas li vim nws muaj cov nyiaj pab them nqi kawm ntawv scholarships, grants, thiab lwm cov nyiaj los mus tawm tsam lub tswv yim uas hais tias cov tsev kawm ntawv uas tsis yog tsoom fwv li yeej ib txwm kim dua.
- Cov kev pab: Nws muaj ntau yam kev pab uas cov universities thiab colleges uas yog tsoom fwv li yuav tau muab. Ib qhov ntawm cov kev pab ntawd yog cov kev pab rau tus muaj mob xiam oob qhab. Txoj cai hais kom cov tsev kawm ntawv uas yog tsoom fwv li yuav tsum muaj kev pab rau cov muaj mob xiam oob qhab; cov tsev kawm ntawv uas tsis yog tsoom fwv li yeej tsis tshua muaj cov kev pab ntawd. Qhov tseeb tiag ces nws tsuas yog muab raws li ib tus neeg qhov kev xav tau xwb, yog li nws thiaj yog ib qho tseem ceeb uas yuav tau nug kom paub.
- Lub hoob kawm muaj neeg coob los tsawg: Yog muab hais dav dav ces, cov tsev kawm ntawv colleges uas yog tsoom fwv li kheev ib txwm yeej muaj coob dua cov uas tsis yog tsoom fwv li, yog lub hoob kawm yuav muaj neeg coob me ntsis.

- Kev xaiv yuav me nyuam kawm ntawv: Muaj ib co tsev kawm ntawv (tsis hais cov yog tsoom fwv li los tsis yog) yeej muaj xaiv ces yog li cov uas kawm ntawv tau zoo thiaj tau mus kawm rau hauv xwb. Tab sis li cas los, yuav tau xav txog ib co colleges uas tsis yog tsoom fwv li thiab, vim lawv cov cai xaiv neeg kawm ntawv muaj ib co kuj tsis nruj npaum li cov uas yog tsoom fwv li. Qhov tseeb ces nws nyob ntawm nyias muaj nyias qhov ua tau.

Nws tsis yog tsuas xav txog hom tsev kawm ntawv twg yog hom koj yuav mus kawm xwb, nws kuj tseem muaj ib qho uas yuav tau xyuas seb puas haum rau yus thiab.

Nrhiav Tau Lub Haum Rau Yus

Lwm yam uas koj yuav tau xav txog:

- Qhov chaw: puas ze tsev? Puas yog deb heev?
- Tus nqi: nqi kawm, nqi ntawv, nqi noj haus thiab chaw nyob (ntawm qhov chaw uas koj txiav txim siab mus nyob).
- Cov kev kawm: koj xav kawm txog dab tsi? Tam sim no los yog yav tom ntej.
- Loj los yog me: me, loj los yog ib nrab?
- Cov kev pab: cov kev pab rau tus muaj mob xiam oob qhab, kev pab qhia ntawv, cov chaw sau ntawv (writing centers). Kev pab ua lej (math) ne puas muaj?
- Cov me nyuam kawm ntawv: cov kev ua lwm yam (extracurricular activities), cov neeg uas tej zaum koj yuav ua tau phooj ywg nrog lawv yog zoo li cas?

Tas nrho tej no yog tej uas koj yuav tau xav txog ua ntej koj xaiv ib lub college.

Koj yuav nrhiav tau cov colleges no li cas?

Mus nrhiav hauv lawv lub websites:

- Ua twb zoo xyuas lub website kom tau cov ntaub ntawv qhia txog cov kev qhia ntawv, kev pab qhia ntawv (tutoring), kev rau npe nkag thiab cov kev pab ntsig txog tus mob xiam oob qab. Tas nrho txhua yam ntaub ntawv yeej muaj nyob hauv lub website. Yog tsis muaj, hu xov tooj mus nug. Thiab, hu mus teem caij mus saib. Nws muaj ntau txoj kev uas koj nrhiav tau kom paub lub college ntawd, tab sis qhov xub pib ces yog mus saib lawv lub website ua ntej.

Tom qab koj mus saib lub website lawm, hu rau lub college los yog mus online thiab teem ib lub sij hawm mus ncig saib lub tsev kawm ntawv ib zaug.

Mus saib, Mus saib, Mus saib! Kuj hais tsis tau kom ntau tshaj qhov no. Nws muaj ntau qhov uas lawv cia koj ntsib cov me nyuam kawm ntawv nyob hauv, mus zaum hauv hoob los yog ntsib cov kws qhia ntawv.

Ua kom **koj** nco ntsoov mus koom lawv cov laj txheej (programs) hauv lub tsev kawm ntawv.

- Tham nrog cov me nyuam kawm ntawv, mus zaum hauv hoob thiab/los yog mus ntsib cov kws qhia ntawv. Nrhiav seb muaj dab tsi nyob tod thiab mus rau ntawm lub tsev kawm ntawv ntawd. Koj yuav txiav txim siab tsis tau zoo yog tsis xub mus saib ua ntej.

Kev kawm ntawv mas kim heev. Yog li thaum koj saib cov nqi, ua ntej tshaj plaws ces yog ua daim foos thov nyiaj pab FAFSA.

Tus nqi:

- Nyiaj Pab Kawm Ntawv: FAFSA (Free Application Federal Student Aid). Ua hauj lwm nrog koj lub tsev kawm ntawv tus kws muab tswv yim qhia (guidance counselor), DVR tus neeg sawv cev los yog tus kws qhia ntawv tshwj xeeb (Special Education teacher) kom paub tseeb tias koj tau cov ntaub ntawv no thiab tau pib thaum ntxov.
- Loans, Grants, thiab/los yog Scholarships: cov nyiaj pab uas muaj rau koj kom mus kawm tau ntawv.
- Thaum yog ib tus muaj mob xiam oob qhab, tej zaum koj kuj muaj cai tau txais nyiaj pab tuaj ntawm Division of Vocational Rehabilitation (DVR). Nws muaj ntau txoj kev uas pab tau koj mus kawm rau ib lub tsev kawm ntawv theem siab (postsecondary school).

Muaj coob los tsawg thiab cov me nyuam kawm ntawv zoo li cas:

- Coob, tsawg, hauv nroog los yog tawm sab nraum nroog. Puas muaj teeb meem li cas rau koj?
- Lwm tus uas muaj tej yam zoo sib xws li koj, txawv loj los yog ib nrab li koj, puas muaj teeb meem? Nws muaj ntau yam uas yuav tau xav txog.
- Me nyuam kawm ntawv cov koom txoos. Nyob rau theem kawm qib siab li no koj xav mus koom rau tej koom txoos no ntau npaum cas? Tej no yog tej yam uas koj yuav tau xav txog thiab.

Tus Mob Xiam Oob Qhab thiab Lwm Cov Kev Pab. Qhov no tseem ceeb heev. Tib txoj kev uas koj yuav paub txog cov kev pab muaj rau qov no yog mus saib thiab tham nrog cov neeg hauv qhov chaw ua hauj lwm muab kev pab nkaus xwb.

- Hom kev pab dab tsi uas muaj pab rau tus mob xiam oob qhab?
- Cov ntaub ntawv twg uas hais txog tus mob uas koj yuav tau muab rau lawv?
- Cov neeg ua hauj lwm hauv qhov chaw ne – lawv puas txais tos koj zoo? Lawv puas yog cov neeg uas koj xav ua hauj lwm nrog mus tsis tu ncu.
- Lwm cov kev pab: kev pab qhia ntawv (tutoring), lub chaw sau ntawv (writing center) los yog lwm yam kev pab. Nug txog tus nqi thiab cov xuaj moos uas muaj rau koj.

Tus Txheej Txheem Ua Ntawv Cia Nkag Mus Kawm:

- Tus txheej txheem yog li cas: mus saib online, nug thaum lub sij hawm koj mus ntsib lawv los yog hu rau tus kws pab tswv yim ua ntawv nkag (admissions counselor).
- Yam yuav tau ua: dab tsi yog yam uas koj yuav tau ua thiaj mus kawm tau lub college los yog kom thiaj nkag tau mus rau hauv ib qho laj txheej (program) twg?
- Ntaub ntawv: dab tsi yog cov ntaub ntawv uas yuav tau muab ua kom tiav, koj puas muaj cov ntaub ntawv uas yuav tau muab? Hom ntaub ntawv twg yog cov yuav tau muaj xwv thiaj tau txais cov kev pab rau tus mob xiam oob qhab.
- Cov kev pab (accommodations): puas muaj cov kev pab thaum mus xeem ntawv nkag, puas muaj lwm txoj kev xaiv ua kom tau nkag mus kawm, yam yuav tau ua yog dab tsi?

Tas nrho cov no yog cov uas koj yuav tau paub **ua ntej** pib tus txheej txheem ua ntawv kom tau nkag mus kawm. Koj yuav tau tham nrog ib tus twg nyob ntawm lub tsev kawm ntawv.

Npaj Ua Kom Txhij!

- Hu rau lub college thiab teem ib lub sij hawm mus saib lawv! Tseem ceeb heev.
- Tham nrog qhov chaw ua hauj lwm saib xyuas cov Kev Pab Rau Tus Mob Xiam Oob Qhab thiab qhov chaw ua hauj lwm rau npe pub nkag mus kawm ntawv!
- Muab koj cov ntaub ntawv hais txog tus mob xiam oob qhab thiab lwm yam ntaub ntawv los tso ua ke!
- Xyaum hais lus muab tswv yim pab (practice advocating)!
- Nug koj cov lus kom ntau ntau!

Ua li ntawd! Tsam no koj paub ntau me ntsis hais ntxiv txog kev xaiv ib lub tsev kawm ntawv college lawm, cia koj mus nrhiav koj tus kheej seb tau li cas.

Kom teb tau ib cov lus nug, koj yuav tau nrhiav kom paub ntau ntxiv txog ib lub tuam tsev kawm ntawv uas koj nyiam mus kawm rau hauv. Koj yuav ua qhov ntawd li cas?

Koj puas yuav ua?

- Mus saib lub tsev kawm ntawv?
- Mus rau ntawm lawv lub website?
- Hu rau qhov chaw muab kev pab rau tus mob xiam oob qhab?

Txawm koj yuav xaiv cov lus nug twg los, nco ntsoov muab kom tau cov nram qab no:

- Lub npe ntawm lub tuam tsev kawm ntawv.
- Qhov kev kawm twg yog qhov koj nyiam kawm.
- Vim li cas koj thiaj xaiv lub tuam tsev kawm ntawv ntawd.
- Yam uas koj yuav tau ua thiaj nkag tau mus kawm (yog muaj).

Siv sij hawm me ntsis thiab sau cov nram qab no cia:

1. Lub npe ntawm lub tuam tsev kawm ntawv yog hu li cas?
2. Koj xav kawm txog dab tsi? (Lus nco cia: xyuas kom paub tseeb tias lub tuam tsev kawm ntawv muaj yam ntawd rau koj kawm)
3. Vim li cas koj thiaj xaiv lub tuam tsev kawm ntawv ntawd?
4. Koj paub li cas hais txog yam uas koj yuav tau ua kom thiaj nkag tau mus kawm?

Tseem muaj lwm yam tseem ceeb uas koj yuav tau paub ntxiv ua ntej koj ua ntawv thov nkag mus kawm. Cov nram qab no qhov twg yog qhov uas koj tseem yuav tau xyuas kom paub?

- Qhov laj txheej kawm (program) ntev npaum cas.
- Hom degree uas muaj rau koj kawm.
- Tus nqi.
- Qhov chaw.
- Lub tsev kawm ntawv loj los me.
- Lwm cov kev kawm (extracurricular activities).

- Cov kev pab rau tus mob xiam oob qhab uas muaj muab pab koj.
- Kuv tau nrhiav pom yam uas kuv yuav tau paub hais txog cov no.

Thaum ua ntawv thov mus nkag rau ib lub tuam tsev kawm ntawv, ntawm no yog tej yam uas koj yuav tau xav txog:

Koj Cov Cai thiab Cov Luag Hauj Lwm:

- Raws li tsoom fww teb chaws cov cai lij choj, ib tus neeg uas muaj mob xiam oob qhab muaj cai ua ntawv thov kom muab kev pab rau nws thaum mus xeem cov ntawv nkag mus kawm rau lub tsev kawm ntawv ntawd.
- Yuav kom muaj cai tau txais kev pab, koj yuav tsum muaj *ntawv pov thawj* tias koj muaj ib tus mob xiam oob qhab (Nco cov lus qhia txog cov ntaub ntawv nyob Tshooj 2.)
- Nco ntsoov kom muaj ib tus neeg pab koj xyuas koj cov ntaub ntawv ua ntej koj ua ntawv thov mus kawm! Piv txwv, koj tus kws pab tswv yim hauv DVR, tus kws qhia ntawv tshwj xeeb (Special Education teacher) los yog qhov chaw ua hauj lwm muab kev pab ntawm lub tsev kawm ntawv.

Nws muaj ntau hom ntaub ntawv. Cov uas kheev siv yog daim qhia txog qhov kev xav nyuaj siab mob hlwb (psychological report), daim phiaj IEP, los yog daim ntawv ntsuam xyuas txog kev kawm ntawv. Tham nrog koj tus kws qhia ntawv tshwj xeeb hais txog hom ntaub ntawv uas koj muaj cia.

Kev Qhia Ntaub Ntawv Tawm thiab Cov Kev Pab (Disclosure and Accommodations):

- Rau ntawm cov kev pab (accommodations) rau thaum mus xeem cov ntawv nkag mus kawm, mus saib SAT los yog ACT cov websites.

<http://students.collegeboard.org>

<http://www.actstudent.org>

- Yog koj paub tias koj yuav xav tau kev pab (accommodations) hauv tus txheej txheem ua ntawv thov, koj yuav tau xav txog qhov qhia koj tus mob xiam oob qhab rau hauv koj daim ntawv thov.

Piv txwv, nyob hauv Tshooj (Chapter) 6 koj yuav kawm txog qhov yuav sau ib tsab ntawv hais txog koj tus mob xiam oob qhab li cas. Koj kuj muab tau tsab ntawv no tom nrog koj cov ntaub ntawv ua thov (application materials).

- Thiab nco ntsoov, tham nrog ib tus neeg sawv cev hauv qhov kev pab ntawm lub tuam tsev kawm ntawv ua ntej koj ua ntawv thov!

Nias rau ntawm qhov txuas hauv qab no kom tau cov npe ntawm cov Neeg Sawv Cev Muab Kev Pab (Support Service Representatives) nyob ntawm cov tsev kawm ntawv Wisconsin Technical Colleges.

https://docs.google.com/document/d/180Kjba2BM1nkpEQuFRJTK9xQ1DVoc23c_ySfEfvdbiw/edit?pref=2&pli=1

Nias rau ntawm qhov txuas hauv qa no kom tau lwm cov tswv yim uas yuav pab tau koj.

<https://www.petersons.com/college-search/college-admission-students-disabilities.aspx#/sweeps-modal>

Lwm Cov Uas Muab Kev Pab rau tus Txheej Txheem Ua Ntawv Thov (Resources for the Application Process): Mus saib cov ntawv lo ntxiv (attachments) no nyob nram qab kawg ntawm daim ntawv no.

Daim Ntawv Lo Ntxiv (Attachment) 1: Cov Lus Qhia Npaj Mus Saib Lub Tsev Kawm Ntawv College

Daim Ntawv Lo Ntxiv (Attachment) 2: To Taub koj Cov Cai thiab Cov Luag Hauj Lwm

Daim Ntawv Lo Ntxiv (Attachment) 3: Teev Cov Npe Foos Ntawm Daim Ntawv Thov Nkag Mus Kawm (Applications Form Checklist)

Zoo heev! Tsam no koj paub ntau cov chaw muab kev pab rau ntawm qhov xaiv thiab ua ntawv thov nkag rau lub tsev kawm ntawv college lawm, cia peb xyuas seb dab tsi uas koj tau kawm nyob hauv tshooj no.

Koj twb ua yuav luag tiav Tshooj 5 hais txog qhov Yus Muab Tswv Ywm Pab Yus Tus Kheej (Becoming a Self-Advocate) lawm.

Cov txheej txheem ua ntawv nkag mus kawm rau them siab (postsecondary level) yog ib qho yeej paub tsis tas. Yog li nws yog ib qho tseem ceeb uas yuav tau paub seb dab tsi yog yam yuav tau muaj.

Lo lus nug 1:

Raws li yog ib feem ntawm tus txheej txheem ua ntawv thov nkag mus kawm, muaj ntau lub tsev kawm ntawv siv hom ntaub ntawv mus xeeb twg?

- a) Cov ntawv xeeb hais txog lub cev kev nyiaj taus (physical endurance tests).
- b) Cov ntawv xeeb txog tus kheej tus yeeb yam (personality tests).
- c) Cov ntawv xeeb txog kev xav tswv yim nyuaj siab mob hlwb (psychological tests).
- d) Cov ntawv xeeb xws li ACT, SAT, TABE los yog Compass.

Lo lus nug 2:

FAFSA yog txhais li cas?

- a) Financial Aid for Student Applicants.
- b) Free Assistance for Financially Struggling Americans.
- c) Free Application for Federal Student Aid.
- d) Fun Awesome Fantastic Super Amazingness.

Lo lus nug 3:

Raws li yog ib feem ntawm tus txheej txheem rau npe nkag kawm, cov tsev kawm ntawv colleges yuav tsum tau muab dab tsi pab rau cov uas muaj mob xiam oob qhab?

- a) Tso tseg txhob muab cov ntawv xeeb nkag mus kawm.
- b) Txo tus nqi them kawm ntawv.
- c) Mus tau rau hauv cov chaw thiab muab cov kev pab.
- d) Muab kev pab qhia ntawv kom thiaj npaj tau mus xeeb cov ntawv nkag mus kawm.

Lo lus nug 4:

Qhov sib txawv ntawm qhov nkag tau mus kawm hauv lub college (college admissions) thiab tus laj txheej/kev nkag mus kawm tau yam uas yus xav kawm (program/major admissions) yog li cas?

- a) Cov me nyuam kawm ntawv yeej raug lees txais mus kawm rau hauv ib lub college, tab sis yuav kom raug lees txais rau hauv ib tus laj txheej/mus kawm rau yam uas yus xav kawm (program/major) mas nws tseem muaj lwm yam ntxiv uas yuav tau muaj (xws li GPA los yog ib hoob uas tau kawm tas los lawm (class prerequisites).

- b) Tus laj txheej/kev nkag mus kawm tau yam yus xav kawm (program/major admissions) yog ib tus txheej txheem xaiv uas siab heev ces tsuas yog cov uas tau 4.0 GPA thiaj pub nkag kawm xwb.
- c) Nws tsis muaj dab tsi sib txawv ntawm ob hom pub nkag mus kawm no.
- d) Kev pub nkag mus kawm rau hauv lub College txhais hais tias koj nyob hauv tib lub xeev li lub tsev kawm ntawv thiab qhov laj txheej/pub mus kawm rau yam yus xav kawm txhais hais tias koj nyob ntawm ntawm lub xeev.

Lo lus nug 5:

Ib lub tsev kawm ntawv college yuav tsum lees txais txhua tus uas ua ntawv thov nkag thaum txiav txim siab cia nkag mus kawm.

- a) Muaj tseeb (True), tas nrho txhua tus uas ua ntawv thov nkag tsis hais yuav kawm tau los tsis tau (qualifications) yuav tsum lees txais lawv.
- b) Tsis paub.
- c) Tsis muaj tseeb (False), lub tsev kawm ntawv college tej zaum tsuas lees txais cov uas yuav kawm tau xwb (qualified applications).

Thov Qhuas Koj:

Tsam no koj tau ua tiav Tshooj (Chapter) 5 ntawm qhov ua ib Tus Neeg Yus Muab Tswv Yim Pab Yus Tus Kheej (Self-Advocate). Nco ntsoov mus ua kom tiav daim ntawv soj ntsuam (survey) rau Tshooj 5 nyob rau ntawm phab ntawv soj ntsuam.

Ua Ib Tus Neeg Yus Muab Tswv Yim Pab Yus Tus Kheej (Becoming a Self-Advocate)
Tshooj (Chapter) 5 – Kev Kawm Ntawv tom qab Qab Kawm Tas High School

**Nias rau ntawm qhov txuas hauv qab no thaum koj npaj tau txhij los mus ua kom tiav daim
ntawv soj ntsuam rau tshooj 5:**

<https://svrirtc.instructure.com/courses/680365/assignments/5718761>

Nias rau ntawm qhov txuas hauv qab no kom rov qab mus rau ntawm phab home page:

<https://svrirtc.instructure.com/courses/250296>

Lus Teb

Lo lus nug 1: Lo lus teb raug rau qhov no yog ... **d**).

Muaj ntau lub tsev kawm ntawv siv cov ntawv xeem xws li ACT, SAT, TABE los yog Compass.

Lo lus nug 2: Lo lus teb raug rau qhov no yog ... **c**).

Free Application for Federal Student Aid.

Lo Lo lus nug 3: Lo lus teb raug rau qhov no yog ... **c**).

Mus tau rau hauv cov chaw thiab muab cov kev pab.

Lo lus nug 4: Lo lus teb raug rau qhov no yog ... **a**).

Cov me nyuam kawm ntawv yeej raug lees txais mus kawm rau hauv ib lub college, tab sis yuav kom raug lees txais rau hauv ib tus laj txheej/mus kawm rau yam uas yus xav kawm (program/major) mas nws tseem muaj lwm yam ntxiv uas yuav tau muaj (xws li GPA los yog ib hoob uas tau kawm tas los lawm (class prerequisites).

Lo lus nug 5: Lo lus teb raug rau qhov no yog ... **c**).

Tsis muaj tseeb (False), lub tsev kawm ntawv college tej zaum tsuas lees txais cov uas yuav kawm tau xwb (qualified applications).

Ua tau zoo tshaj plaws!

Cov Lus Qhia Npaj Mus Saib Lub Tsev Kawm Ntawv College

Lub hom phiaj: Ib feem tseem ceeb tshaj plaws ntawm txoj kev tshawb nrhiav kom paub lub tsev kawm ntawv college yog qhov mus saib kiag qhov chaw. Kev mus saib lub college uas koj tau xaiv yuav ua rau kom pom ua ntej tshaj plaws yog cov me nyuam kam ntawv, cov kws qhia ntawv, cov tsev qhia ntawv, thiab cov hauj lwm. Thaum mus saib ntawd yog ib qho tseem ceeb uas koj yuav tau kawm kom paub txhua yam uas koj ua tau hais txog tus txheej txheem rau npe nkag, pom txoj kev qhia ntawv thiab cov neeg nyob rau ntawm lub tsev kawm ntawv, saib kom pom cov tsev qhia ntawv/chaw nyob/chaw ua si, tham nrog cov me nyuam kawm ntawv tsam sim no, thiab nrhiav kom paub lub zej zos uas nyob ib ncig.

Cov lus qhia: siv qhov kev txheeb nram qab no los mus npaj qhov koj mus saib kom tau tsawg kawg ib lub tsev kawm ntawv college. Xyuas cov dej num uas koj tau mus koom rau hauv thiab nco ntsoov teb rau cov lus nug hais txog qhov koj mus saib ntawd.

Kev npaj rau qhov mus saib

- Ib qho kev mus saib tau zoo yuav siv sij hawm li ntawm 2-6 xuj moos (nyob ntawm seb lub college thiab qhov mus saib ntawd zoo li cas), nco ntsoov cia sij hawm mus saib ib cheeb tsam ncig lub tsev kawm ntawv yog hais tias koj tsis paub lub zej zos zoo
- Hu rau lub tsev kawm ntawv college los yog mus saib lawv lub Website ua ntej teem sij hawm mus ntsib thiab hais rau lub college paub txog txhua yam uas koj xav pom thaum koj mus saib lub tsev kawm ntawv
- Nco ntsoov nug seb koj puas mus zaum tau hauv ib hoob qhia ntawv uas koj xav saib

Thaum lub sij hawm mus saib lub tsev kawm ntawv

- Saib kom pom cov neeg, cov chaw, thiab cov hauj lwm seb yog li cas
- Tham nrog cov neeg kom coob tus npaum li koj ua tau – xws li cov me nyuam kawm ntawv tam sim no thiab cov kws qhia ntawv
- Ncig mus rau hauv cov chaw muag khoom noj txom ncauj thiab cov chaw uas cov me nyuam kawm ntawv nyob kom pom tej no thiab saib seb cov me nyuam kawm ntawv sib ntsib sib tham mus los zoo li cas
- Sau lub npe ntawm cov neeg uas koj tau tham nrog lawv cia (kom tau lawv ib daim card), tshwj xeeb yog cov uas koj xav tham nrog lawv ntiv tom ntej yog hais tias koj npaj siab rov qab mus rau lub tsev kawm ntawv no
- Tham nrog cov neeg ua hauj lwm hais txog cov kev pab twg (accommodation) uas koj xav tau thaum lub sij hawm uas koj mus saib
- Nug cov lus uas koj muaj

Tom qab mus saib

- Teb kom tiav lo lus nug hauv qab no thiab sau rau ntawm daim ntawv College Comparison Worksheet
- Xa ib daim ntawv ua tsaug mus rau lawv

Sau cov uas koj tau ua tiav thaum lub sij hawm mus saib lub tsev kawm ntawv college zaum no.

- | | | |
|--|--|---|
| <input type="checkbox"/> Tau mus ncig saib lub tsev kawm ntawv | <input type="checkbox"/> Tau mus noj mov hauv lub cafeteria | <input type="checkbox"/> Tau mus zaum hauv ib hoob qhia ntawv |
| <input type="checkbox"/> Tau mus ncig saib lub tsev nyeem ntawv (library) | <input type="checkbox"/> Tau tham nrog ib tus (cov) kws qhia ntawv | <input type="checkbox"/> Tau mus saib cov tsev uas cov me nyuam kawm ntawv nyob |
| <input type="checkbox"/> Tau tham nrog cov me nyuam kawm ntawv tam sim no | <input type="checkbox"/> Tau tham nrog tus saib xyuas fab kev pab nyiaj txiag | <input type="checkbox"/> Lwm yam (cov); teev rau ntawm no _____ |
| <input type="checkbox"/> Tau mus saib cov computer labs | <input type="checkbox"/> Tau tham nrog qhov chaw saib xyuas kev muaj mob xiam oob qhab | |
| <input type="checkbox"/> Tau mus ncig saib ib cheeb tsam ncig lub tsev kawm ntawv | <input type="checkbox"/> Tau tham nrog qhov chaw ua hauj lwm rau npe nkag kawm ntawv | |
| <input type="checkbox"/> Tau mus saib cov kev ua ub no ntawm cov me nyuam kawm ntawv | <input type="checkbox"/> Nyeem cov me nyuam kawm ntawv daim ntawv xov xwm/qhov chaw dai ntawv (bulletin board) | |

Cov lus nug kom muab los xav txog thaum lub sij mus saib lub tsev kawm ntawv thiab tom qab ntawd. Teb kom tiav cov lus nug hauv qab no raws li koj tau mus pom los ntawm qhov mus saib lub tsev kawm ntawv college.

1. Muaj pes tsawg tus me nyuam kawm ntawv nyob hauv qhov kev kawm uas koj xav mus kawm?
2. Nws siv sij hawm ntev npaum cas rau cov me nyuam kawm ntawv feem coob los mus ua tiav qhov kev kawm no?
3. Cov hauj lwm uas muaj qheb rau qhov kev kawm no yog hom dab tsi thiab nyob qhov twg uas cov tau kawm tiav qhov kev kawm no tau hauj lwm ua?
4. Yam dab tsi uas kuv yuav tau ua thaum ua ntawv mus thov cov nyiaj pab kawm ntawv?
5. Kuv yuav hu rau leej twg?
6. Puas muaj cov nyiaj scholarships? Kuv yuav ua ntawv thov li cas?
7. Hom vaj tse nyob rau cov me nyuam kawm ntawv yog dab tsi?
8. Cov me nyuam kawm ntawv ua dab tsi thaum lawv muaj sij hawm nyob dawb?
9. Kuv yuav koom tau rau hauv lub tsev kawm ntawv li cas?
10. Qhov twg yog qhov uas kuv mus nrhiav tau kev pab rau kuv qhov kev kawm?

11. Sau koj tus kheej lo lus nug rau ntawm no: _____?
Ces sau lo lus teb:

12. Sau koj tus kheej lo lus nug rau ntawm no: _____?
Ces sau lo lus teb:

13. Sau koj tus kheej lo lus nug rau ntawm no: _____?
Ces sau lo lus teb:

14. Sau koj tus kheej lo lus nug rau ntawm no: _____?
Ces sau lo lus teb:

15. Sau koj tus kheej lo lus nug rau ntawm no: _____?
Ces sau lo lus teb:

Cov Cai thiab Cov Luag Hauj Lwm ntawm Cov Me Nyuam Kawm Ntawv Muaj Tus Mob Xiam Oob Qhab

Cov Cai ntawm Cov Me Nyuam Kawm Ntawv uas Muaj Tus Mob Xiam Oob Qhab

Tsab cai lij choj hais kom yuav tsum muab cov kev pab kawm ntawv (academic accommodations) rau cov me nyuam kawm ntawv uas muaj tus mob xiam oob qhab. Cov kev pab yog muab kev pauv nyob hauv txoj kev kawm thiab kev xeeb ntawv kom cov me nyuam kawm ntawv uas muaj mob xiam oob qhab tau kawm ib yam li lwm tus. Tsab cai The Americans with Disabilities Act (ADA) thiab cov uas mob kho dua (amendments, ADAAA) hais kom yuav tsum muab cov kev pab uas zoo tsim nyog rau cov me nyuam kawm ntawv hauv college uas tam sim no muaj ntaub ntawv tias lawv muaj tus mob kawm tsis tau ntawv thiab thov kom muab kev pab rau lawv txoj kev kawm/los yog kev xeeb ntawv.

Me Nyuan Kawm Ntawv Cov Luag Hauj Lwm

Tus me nyuam kawm ntawv cov luag hauj lwm muaj xws li:

- Qhia tus kheej tias yog ib tus muaj mob xiam oob qhab rau qhov chaw muab kev pab hauv lub tsev kawm ntawv college los yog university.
- Muab cov ntaub ntawv uas muaj tam sim no hais txog tus mob xiam oob qhab rau qhov chaw ua hauj lwm pab rau tus mob.
- Thov kom muab kev pab rau txoj kev kawm thiab kev xeeb ntawv uas yuav ua rau tus me nyuam kawm ntawv uas muaj mob nyob tau rau tib theem li cov uas tsis muaj mob.

- Qhia tus kheej tias muaj tus mob rau cov kws qhia ntawv thiab muab ib daim luam ntawm daim Individual Student Profile uas tau tsim ua ke nrog lub chaw ua hauj lwm muab kev pab rau lawv.
- Hais rau cov kws qhia ntawv kom raws sij hawm kom lawv nco muab cov kev pab uas yuav tsum tau muaj rau koj kom koj thiaj ua tau cov ntawv xeeb thiab cov hauj lwm uas muab rau koj ua.
- Lees txais nws lub luag hauj lwm kom kawm tau ntawv. Qhov no muaj xws li ua kom ceev tau theem kawm ntawv kom zoo txaus siab, mus kawm ntawv tsis pub nrug, ua kom tiav cov hauj lwm uas kws qhia ntawv muab rau ua, coj tus cwj pwm kom zoo, thiab muaj kev cev lus mus los tsis so nrog qhov chaw muab kev pab thiab/los yog lwm tus hais txog cov kev pab uas xav tau.





Qhov Chaw Ua Hauj Lwm Muab Kev Pab Cov Luag Hauj Lwm

- Txheeb xyuas cov me nyuam kawm ntawv cov ntawv thov kom muab kev pab (accommodations) uas yog siv cov ntaub ntawv hais txog tus mob uas tus me nyuam kawm ntawv muab.
- Muab cov ntaub ntawv hais txog cov cai ua hauj lwm, cov txheej txheem, cov cai thiab cov luag hauj lwm rau cov me nyuam kawm ntawv uas muaj tus mob uas yog muab hom kom lawv siv tau thaum lawv thov txog.
- Pom zoo muab cov kev pab (accommodations) uas zoo tsim nyog rau txoj kev kawm thiab kev xeeb ntawv.
- Muab cov kev pab uas zoo tsim nyog, hloov kho kev qhia ntawv, thiab/los yog muab cov cuab yeej siv rau cov uas muaj mob xiam oob qhab uas muaj raws li lub college los yog university cov cai hais txog qhov muaj feem tau txais cov kev pab no.
- Ua kom muaj kev ceev tsis pub lwm tus paub txog cov ntaub ntawv hais txog cov me nyuam kawm ntawv tus mob xiam oob qhab.

- Pab cov me nyuam kawm ntawv cws lus nrog cov kws qhia ntawv hais txog lawv tus mob thiab thov kom muab kev pab (accommodations), yog thaum yuav tau muab.

Cov Kws Qhia Ntawv Cov Luag Hauj Lwm

Yog cov me nyuam kawm ntawv thov kom muab kev pab (accommodations) rau qhov kev qhia ntawv thiab/los yog kev xeeb ntawv hauv hoob kawm, lawv yuav tsum qhia rau tus kws qhia ntawv tias xav tau kev pab thiab muab cov ntaub ntawv uas muab los ntawm qhov chaw ua hauj lwm muab kev pab rau tus kws qhia ntawv, qhov no kheev yog ib tsab ntawv tuaj ntawm qhov chaw ua hauj lwm ntawd uas hais txog qhov xav tau qhov kev pab ntawd. Cov me nyuam kawm ntawv tsis tau yuav tsum qhia lawv tus mob rau tus kws qhia ntawv, tsuas qhia tias xav tau kev pab no xwb.

Cov kws qhia ntawv cov luag hauj lwm muaj xws li nram qab no:

- Cia rau cov me nyuam kawm ntawv qhia tawm lawv tus mob xiam oob qhab nyob rau ib qho chaw zoo tsim nyog thiab tsis muaj lwm tus paub.
- Lees paub cov me nyuam kawm ntawv cov cai uas lawv muaj yam saib tau lawv thiab hwm lawv.
- Ceev kom tau txoj kev ncaj ncees ntawm txoj kev kawm ntawv raws li ib txwm ua los.
- Ceev kom tsis muaj lwm tus paub txog tus me nyuam kawm ntawv txhua lub sij hawm.
- Muab cov kev pab (accommodations) kom zoo tsim nyog rau ntawm txoj kev qhia ntawv thiab/los yog xeeb ntawv.

Attachment 2

Muab kho dua tshiab July 2014

Teev Cov Npe Foos Ntawm Daim Ntawv Thov Nkag Mus Kawm

Lub hom phiaj: Tus txheej txheem thov tau nkag mus kawm rau theem siab yuav siv sij hawm thiab tej zaum kuj muaj ntau yam ua rau yus tsis paub zoo. Nws yog ib qho tseem ceeb tias txhua tus yuav tau npaj kom txhij kom muaj cov ntaub ntawv uas yuav tau muaj xwv thiaj li ua tiav thiab to taub tus txheej txheem.

Cov lus qhia: Rau txhua cov tuam tsev kawm ntawv theem siab uas tau xaiv txij ntawm Learning Plan 6, tso ib tus cim kos (check mark) rau ntawm cov txheej txheem tau nkag kawm ntawv uas yuav tau ua kom tiav tus txheej txheem.

Cov Txheej Txheem Yuav Muaj Tau/Cov Ntaub Ntawv	College 1	College 2	College 3	College 4
College				
Daim ntawv thov nkag rau lub tsev kawm ntawv (campus application)				
Cov ntawv pov thawj kawm tas high school (official high school transcripts)				
Lwm cov ntawv pov thawj kawm college (other college transcripts) (yog yuav tsum tau muab)				
Cov ntawv xeeb pub nkag kawm (admission test results)				
Kev xam phaj nkag rau lub tsev kawm ntawv (campus interview)				
Cov ntawv pom zoo kom txais kawm (letters of recommendation)				
Ntawv sau txog ib yam uas tau kawm (essay)				
Tus Kws Pab Tswv Yim Daim Foos Sau Nws Cov Lus (Counselor’s Statement Form)				
Ntaub ntawv txhaj tshuaj (Immunization records) (mus saib tau online nyob rau ntawm https://www.dhfwir.org/PR/clientSearch.do?language=en)				
Daim ntawv txheeb xyuas keeb kwm ua txhaum cai yav dhau los (criminal background check)				
Daim ntawv kuaj mob lub cev (physical exam)				
Cov foos muab kev txiav txim siab (decision forms)				
Ua ntawv thov rau FAFSA tus pin naj npawb (mus rau ntawm http://www.pin.ed.gov/PINWebApp/pinindex.jsp)				
Lwm yam; thov teev rau ntawm no				



Kev Xaiv Ib Lub Tsev Kawm Ntawv College rau Cov Me Nyuam Kawm Ntawv uas muaj Mob Xiam Oob Qhab Kawm Tsis Tau Ntawv los yog Npuab Tswv Yim Tsis Tau Rau Txoj Kev Kawm

Sau los ntawm: Juliana M. Taymans (2001)

Cov me nyuam kawm ntawv uas muaj mob xiam oob qhab kawm tsis tau ntawv (learning disabilities, LD) los yog npuab tswv yim tsis tau rau txoj kev kawm (attention deficit hyperactivity disorder, ADHD) muaj yam uas nws kawm tau thiab muaj cov teeb meem uas nws xav tau kev pab. Lawv yuav tau to taub txog lawv rab peev xwm thiab lawv txoj kev npaj rau ntau yam kev xaiv nyob hauv txoj kev kawm ntawv qib siab. Yog hais tias qhov mus kawm college yog txoj kev uas lawv xaiv, txoj kev mus tshawb nrhiav kom paub cov kev pab cuam nyob rau theem kawm qib siab kom phim rau qhov lawv xav tau yog kauj ruam tseem ceeb. Feem ntau, cov kev pab nyob rau theem kawm ntawv qib siab yuav tsis nruj npaum li cov kev pab hauv kev kawm theem ob. Cov me nyuam kawm ntawv yuav tau txawj saib seb yuav ua li cas thiaj mus kawm tau, uas yog ib qho uas tus kheej yuav tau paub, muab tswv yim pab tus kheej, thiab paub daws tau teeb meem tus kheej.

Thaum twg yog thaum yuav tau pib npaj rau txoj kev mus kawm college

Tsab Cai Individuals with Disabilities Education Act (IDEA) hais kom pab neeg Individualized Education Program (IEP) yuav tau xav txog cov hom phiaj rau txoj kev mus kawm qib siab thaum tus me nyuam kawm ntawv tab tom yuav nkag mus kawm high school thaum nws muaj thaj tsam li 14 xyoos. Thaum pib muaj 16 xyoos (los yog qis dua, yog phim rau qhov no) yuav tau muab tus me nyuam kawm ntawv cov kev xav tau tso rau hauv nws daim phiaj IEP. Cov kev tau ntsib thiab tau pom thaum kawm nyob high school, uas yog hais txog kev kawm ntawv thiab kev sib fim nrog lwm tus, yuav muaj txiaj ntsim loj heev rau cov kev xaiv yav tom ntej rau txhua tus me nyuam kawm ntawv. Rau ntawm cov hluas uas muaj tus mob xiam oob qhab, cov kev tau ntsib thiab tau pom yav tas los li no tseem ceeb heev.

Cov kev npaj hloov mus rau theem siab tom ntej yuav tsum ua mus raws li tus me nyuam kawm ntawv cov hom phiaj thiab lub zeem muag rau lub neej li yog ib tus muaj hnuv nyoog, cov hauj lwm nyiam ua, kev kawm thiab kev ua ub no hauv lub zej zos, thiab tus me nyuam kawm ntawv yuav tau nce qib mus kom txog naws cov hom phiaj. Txoj kev npaj kuj yuav muaj txog kev npaj rau cov kev xeem ntawv (proficiency tests) thiab lwm cov kev txheeb xyuas (assessments) uas yuav tsum tau muaj rau txoj hauj lwm kawm qib siab (xws li, SATs), thiab kev tsim kom muaj tus kheej txoj kev txiaj txim siab thiab cov kev txawj pab tau tus kheej.

Thaum kawm nyob rau 2 xyoos kawg ntawm high school, yuav tau muaj kev kuaj sim kom paub

qhov teeb meem mob LD los yog ADHD mus ntxiv. Yuav kom muab tau cov kev pab, cov tsev kawm ntawv college yuav tsum tau cov ntaub ntawv hais txog tus mob (xws li, cov ntaub ntawv uas tau los ntawm cov kev kuaj uas qhia paub tias muaj ib tus mob); qhov muaj ib daim IEP los yog Section 504 plan hauv high school tsis yog ib daim ntawv muaj txaus kom tau txais cov kev pab los ntawm cov tsev kawm ntawv colleges. Cov me nyuam kawm ntawv uas nkag mus kawm rau qib siab yuav tau muaj nws cov ntaub ntawv txheeb xyuas tam sim no xwv thiaj tau kev pab nyob rau ntawm lub tsev kawm ntawv college.

Tab txawm cov me nyuam yuav muaj teeb meem kawm tsis tau ntawv zoo thaum nyob high school los, qhov mus kawm rau qib siab kuj yog ib qho uas lawv ua tau thiab. Cov uas txhawj tias xyov college puas yog qhov lawv ua tau kuj sim mus kawm cov ntawv kawm qib ua ntej – college rau cov me nyuam kawm high school uas tau kawm tiav lawv xyoo junior los yog senior. Muaj ib qho, cov me nyuam kawm ntawv kuj mus kawm tau ib hoob college thaum lub caij ntuj sov kom paub lawv lub tsev kawm ntawv ua ntej lawv mus rau npe nkag, kawm kom paub lawv lub tsev nyeem ntawm (library), thiab kom paub lawv txoj kev kawm cov tswv yim thiab paub tswj hwm lawv lub sij hawm.

Kev to taub txog yam yus ua tau, kev kawm, thiab cov kev pab uas xav tau

Cov me nyuam kawm ntawv yuav tsum to taub txog yam uas lawv ua tau thiab cov kev xav tau kev pab txog txoj kev kawm. Qhov no tsis yog ua kom lawv kawm tau ntawv xwb, tab sis nws kuj tseem yog paub txog cov kev pab uas lawv xav tau. Piv txwv li, lawv puas xav tau cov kev pab xws li ua leb math labs, kev sau ntawv, kev nyeem ntawv, kev siv computer labs, kev pab qhia ntawv, los yog kev pab tswv yim? Lawv puas xav kawm txog cov kev qhia kom txawj sib fim nrog lwm tus, txawj kawm kom tau ntawv, cov tswv yim qhia txog kev kawm ntawv, paub kev txawj sib cev lus mus los, los yog kev ntseeg siab rau tus kheej?

Kev to taub thiab paub siv technology kuj yog ib qho tseem ceeb pab kom kawm tau ntawv. Cov computers thiab lwm yam technologies kuj yog ib yam pab tau rau ntau ntus uas muaj mob LD thiab ADHD. Cov me nyuam kawm ntawv yuav tau xav txog cov technology uas pab rau txoj kev kawm (xws li, computers, tape kaw lus, los yog videos uas muab siv ua ib txoj kev pab qhia ntawv) thiab yam khoom siv technology (technology uas cov neeg muab siv los mus pab rau cov kev muaj mob).

Cov khoom technology yog ib yam pab tau zoo yog hais tias nws pab ntxiv rau yam ua tau ntawm tus tib neeg thiab txo cov kev xav tau kev pab kom tsawg. Kev xaiv cov khoom siv technology rau ib tus neeg yuav tau xyuas txog nws txoj kev kawm, cov hauj lwm uas nws yuav ua, yam khoom technology twg kiag, thiab kev siv (Raskin, 1998). Piv txwv li, word processors uas muaj sau ntawv-mus rau-hais lus, teeb cov ntsiab lus, qhia paub txog lo lus, thiab paub txog cov lus hais yuav muab kev pab tau tus neeg ntawd. Qhov no yog nyob ntawm seb nws tus mob yog li cas.

Technology kuj zoo ib yam li lwm yam cuab yeej siv: Qhov teeb meem ces yog kom nrhiav tau cov khoom technology uas ua hauj lwm tau zoo tshaj plaws rau tus neeg ntawd thiab kawm kom paub siv. Qhov no yuav tau siv sij hawm thiab nyiaj txiag, tab sis qhov ua tau los thiab ua tau tej yam tshiab kuj yog ib qho tsim nyog ua lawm (Malouf, 2000).

To taub txog cov cai

Tom qab cov me nyuam kawm ntawv uas muaj mob xiam oob qhab kawm tas high school lawm, lawv yuav tsis tau txais cov kev pab uas muab los ntawm tsev kawm ntawv mus ntxiv thiab yuav tsis muaj ib daim phiaj IEP lawm. Yog hais tias lawv tau txais cov kev pab kom rov peem tsheej tau (rehabilitation services) raws li yog ib feem ntawm lawv daim phiaj npaj hla mus kawm rau qib siab, lawv yuav tau txais cov kev pab no mus ntxiv. Lawv yuav tau muaj ib daim Individual Written Rehabilitation Plan (IWRP) thiab yuav muaj feem tau txais cov kev pab xws li kev kawm ntawv qib siab, kev pab tswv yim, kev ntsuam xyuas thiab txheeb xyuas txog kev ua hauj lwm.

Tsab Cai Americans with Disabilities Act (ADA) txwv tsis pub cais cov me nyuam kawm ntawv uas muaj mob xiam oob qhab nyob hauv txoj kev ua ntawv thov mus kawm rau college. Tom qab tau kawm lawm, cov me nyuam kawm ntawv yuav thov tau cov kev pab uas yuav pab tau lawv kom kawm tau lawv cov ntawv, mus xeeb tau, thiab lwm yam. Cov tsev kawm ntawv colleges thiab universities feem ntau yeej muaj ib qhov chaw ua hauj lwm pab rau cov muaj mob xiam oob qhab.

Xyuas kom paub lub tsev kawm ntawv college uas muaj tus yeeb yam raws li siab nyiam

Tom qab paub txog yam uas tus me nyuam kawm ntawv ua tau, paub txog cov kev xav tau rau txoj kev kawm, thiab theem kev pab txhawb uas nws xav tau lawm, nws yog lub sij hawm los mus nrhiav kom tau cov tsev kawm ntawv colleges tus yeeb yam uas zoo phim rau tus me nyuam kawm ntawv. Yuav tau xav txog ntau hom colleges: cov ob xyoos colleges, cov colleges hauv zej zos, cov colleges uas tsis yog tsoom fwv li, cov plaub xyoos colleges thiab universities, nrog rau lwm cov tsev kawm ntawv qib siab. Cov me nyuam kawm ntawv uas muaj mob LD thiab/los yog ADHD kuj muaj cuab kav mus kawm tau txhua hom tsev kawm ntawv, nrog rau cov tsev kev ntawv uas muaj suab nto npe tshaj plaws.

Cov me nyuam kawm ntawv yuav tau xaiv cov colleges muaj tus yeeb yam uas ua rau lawv txaus siab thiab pab txhawb nqa lawv txoj kev muaj yeej mus tom ntej. Piv txwv, lawv lub high school loj npaum cas? Lawv yuav khab seeb kawm rau hauv ib lub tsev kawm ntawv college loj dua los yog me dua? Puas yog lawv yuav txaus siab dua mus kawm nyob cheeb tsam hauv lub nroog los yog tawm sab nraum nroog? Lawv puas yuav muaj cuab kav ua tau raws li kev kawm ntawv cov cai? Puas yog ib qho zoo dua rau lawv mus nrhiav kawm rau ib lub college uas tsis kom yuav tsum muaj yam kev kawm dhau los (prerequisites)? Puas yog ib qho zoo rau lawv mus kawm ib nrab sij hawm xwb (part-time) es txhob kawm kom puv ntoob qhov kev kawm? Lawv txoj kev kawm ntawv thiab lwm yam ntxiv uas lub siab xav tau yog dab tsi?

Nyob hauv txoj kev nrhiav cov tsev kawm ntawv colleges, cov me nyuam kawm ntawv yuav tau xav txog tus cwj pwm qhia ntawv kom lawv kawm tau. Cov tsev kawm ntawv colleges uas siv cov kev qhia thiab siv cov technology ywj siab yuav ua rau cov me nyuam kawm ntawv kawm tau zoo dua. Piv txwv, yog hais tias cov ntawv uas muab los qhia yog web-based xwv kom cov lus qhia los yog cov videos uas kaw cov lus qhia muaj nyob online es ua rau lawv saib tau ntau zaus, ces qhov no ua rau cov me nyuam kawm ntawv tau cov kev pab txhawb lawv txoj kev kawm kom mus tau zoo.

Keu nrhiav thiab muab cov tsev kawm ntawv colleges los sib piv

Zoo ib yam li txhua tus me nyuam kawm ntawv uas npaj mus xaiv kom tau ib lub tsev kawm ntawv college, cov me nyuam kawm ntawv uas muaj mob LD los yog ADHD yuav tsum nrhiav kom tau cov colleges uas zoo xws li muaj cov yeeb yam raws li lawv nyiam ces mam li xaiv lub puav mus tshawb nrhiav kom kom paub zoo ntxiv. Lawv yuav tau mus saib cov colleges, mus ntsib kiag cov neeg ua hauj lwm hauv lub tsev kawm ntawv, thiab npaj kom muaj cov lus nug lawv.

Cov me nyuam kawm ntawv uas muaj ib tus mob xiam oob qhab tseem yuav tau xyuas txog lwm yam. Lawv yuav tsum tshawb nrhiav seb cov tsev kawm ntawv colleges ntawd puas muaj kev pab, tham txog cov kev pab no nrog cov neeg ua hauj lwm (xws li, cov neeg ua hauj lwm nyob hauv Office of Disability Support Services), thiab xyuas kom paub tseeb tias cov kev pab uas lub tsev kawm ntawv college tau muab tshaj tawm no yeej muaj pab rau tus me nyuam kawm ntawv. Piv txwv, puas muaj qhov pab qhia ntawv? Puas pub sij hawm ncu ntxiv rau thaum muaj cov kev xeem (tests)? Puas muaj ib tus neeg pab sau cov lus cia los yog pab sau ntawv? Lub tsev kawm ntawv college cov cai puas yuav muab sij hawm ncu ntxiv txhawm rau qhov ua kom tiav qhov kev kawm xwv thiaj tau kawm cov hoob kawm tsawg dua mus sij hawm ntev dua?

Ntxiv mus, cov me nyuam kawm ntawv uas muaj mob LD los yog ADHD yuav tsum txiav txim siab seb puas yuav qhia txog lawv tus mob thiab yuav qhia rau leej twg paub. Kom tau txais cov kev pab, cov me nyuam kawm ntawv yuav tsum tau qhia lawv tus mob rau Office of Disability Support Services. Qhov chaw ua hauj lwm mam qhia rau cov Professors hais txog cov kev pab uas yuav tau muab pab rau tus me nyuam kawm ntawv. Cov me nyuam kawm ntawv tsis tas yuav tsum qhia rau cov kws qhia ntawv thiab cov neeg ua hauj lwm hauv lub tsev kawm ntawv. Tab sis kom tau txais cov kev pab, lawv yuav tau piav kom zoo rau cov kws qhia ntawv hais txog lawv cov kev xav tau. Yog li no,

cov me nyuam kawm ntawv yuav tau tshawb nrhiav kom paub kiag cov hoob uas lawv yuav mus kawm ua ntej lawv rau npe mus kawm rau hauv. Ib cov tswv yim qhia kom paub cov hoob kawm muab teev rau hauv qab no:

- Mus koom cov rooj cob qhia.

Cov rooj cob qhia no yog muab ib lub cib fim los mus paub zoo txog lub tsev kawm ntawv thiab nug cov me nyuam kawm ntawv uas tseem tab tom kawm thiab cov kws muab tswv yim hais txog cov hoob kawm, cov kws qhia ntawv, cov chaw muaj kev pab, thiab cov kev pab.

- Tsis txhob laug lub caij nyoog.

Tsis txhob tos txog thaum kawg mam pib mus xyuas txog cov kev qhia ntawv thiab cov kws qhia ntawv. Cov chaw ua hauj lwm Offices for Disability Support Services feem ntau yeej cia cov me nyuam kawm ntawv uas muaj mob xiam oob qhab rau npe li ob peb hnuv ua ntej lwm cov me nyuam kawm ntawv.

- Tham nrog lwm tus me nyuam kawm ntawv.

Lwm tus me nyuam kawm ntawv yog ib qhov chaw muab tau xov zoo tshaj plaws hais txog cov hoob kawm thiab cov kws qhia ntawv. Mus saib cov hoob kawm.

Yuav tau siv ib lub sij hawm me me mus ntsia saib ib hoob kawm ntawv kom paub txiav txim seb puas yog ib hoob zoo. Cov me nyuam kawm ntawv uas mus saib ib hoob qhia ntawv yuav tsis tau ua cov ntawv xeem (exams) los yog cov ntawv uas tus kws qhia ntawv kom ua (assignments).

- Xyuas hauv Internet.

Cov tsev kawm ntawv colleges thiab universities feem ntau yeej muaj ntaub ntawv ntau yam heev, nrog rau cov ntawv kawm (ntaub ntawv teev cov ntawv qhia), cov hauj lwm, phau ntawv, nyeem ntawv, thiab cov ntawv uas tus kws qhia ntawv kom ua (assignments).

- Ntsib tus kws qhia ntawv.

Cov kws qhia ntawv yeej teem muaj sij hawm los teb cov lus nug txog cov ntawv uas nws qhia. Qhov mus muab kom tau phau ntawv thiab cov ntawv uas yuav tau nyeem ua ntej yuav pab tau tus me nyuam kawm ntawv kom nws npaj tau ua ntej pib hoob kawm.

Rau ntawm cov uas muaj mob LD thiab ADHD, txoj kev hloov mus rau lub neej ua ib tus neeg muaj hnuv nyoog yuav yog ib lub sij hawm los paub yus tus kheej, tab sis nws kuj yuav ua rau muaj ntau yam xyaum thiab ua yuam kev. Cov hom phiaj thiab cov kev muaj yeej tej zaum kuj ua rau yus tsaus ntuj nti, thiab qhov teeb meem ntawm tus mob LD thiab ADHD kuj yuav muab tau ntau yam kev nyuaj. Kev ua tib zoo npaj rau txoj kev hloov mus rau college yuav yog ib qho pab tau.

Cov Ntawv Muab Los Siv

Embich, J. & Leconte, P. (2000). Diagnosis: Now What? In J.M. Taymans, L. L. West & M. Sullivan (Eds.), *Unlocking Potential: College and Other Choices For People With LD and AD/HD* (pp. 69-94). Bethesda, MD: Woodbine House.

Malouf, D. (2000). Understanding and Using Technology. In J.M. Taymans, L.L. West & M. Sullivan (Eds.), *Unlocking Potential: College and Other Choices For People With LD and AD/HD* (pp. 232-242). Bethesda, MD: Woodbine House.

Mangrum, C. & Strichart, S. (1997). *Peterson's Colleges With Programs For Students With Learning Disabilities or Attention Deficit Disorders*. Princeton, NJ: Peterson's Guides.

Raskind, M.H. (1998). Literacy for Adults With Learning Disabilities Through Assistive Technology. In S.A. Vogel and S. Reder (Eds.), *Learning disabilities, literacy and adult education*. Baltimore, MD: Brookes Publishing Co.

Taymans, J.M., West, L.L., Sullivan, M. (Eds.). (2000). *Unlocking Potential: College and Other Choices For People With LD and AD/HD*. Bethesda, MD: Woodbine House.

Reprinted from the ERIC Clearinghouse on Disabilities and Gifted Education.

<http://www.ldonline.org/article/11772/?theme=print>

©2008 WETA. All Rights Reserved.

Cov Kev Pab rau Cov Neeg Tuaj Xeem Ntawv uas Muaj Mob Xiam Oob Qhab

ACT cog lus yuav muab kev pab kom tsim nyog rau cov neeg tuaj xeem ntawv uas muaj ntaub ntawv qhia tias muaj mob xiam oob qhab thiab xav tau kev pab. ACT tau tsim muaj cov cai hais txog cov ntaub ntawv uas teev tias tus neeg tuaj xeem ntawv muaj ib tus mob xiam oob qhab. Yog hais tias tam sim no koj tau txais kev pab hauv lub tsev kawm ntawv vim qhov tau nrhiav pom thiab muaj ntaub ntawv teev tias koj muaj ib tus mob xiam oob qhab, mus saib [ACT Policy for Documentation](#), uas yuav pab koj npaj kom txhij thiab coj koj txoj hau kev kom mus thoob tus txheej txheem ua ntawv thov kev pab thaum mus xeem ntawv nyob rau ntawm ACT® qhov kev xeem.

Lus nco cia: ACT thiab ACT cov ntawv xeem tsuas muaj muab ua lus Askiv xwb. Cov kev pab (nrog rau kuv ncuu lub sij hawm ntxiv) yuav tsis muaj muab vim muaj teeb meem tsis paub lus Askiv zoo.

Muaj lus nug?

- ✉ [eMail](#) Kheev yuav teb rov qab tuaj rau koj tsis pub dhau 2 hnuv cov hnuv ua hauj lwm
- ☎ [Phone](#) (319) 337-1332 M-F 8:00 AM mus txog 5:00 PM CT

Kev Thov Kom Muab Kev Pab

Yog yuav thov kom muab kev pab thaum mus xeem cov ntawv ACT, tus neeg xeem ntawv yuav tsum xub:

- ua kom tau ib tus [ACT web account](#), los yog nkag mus rau hauv ib tus as-khauj uas twb muaj lawm
- rau npe rau ib hnuv uas yuav mus xeem

Thaum rau npe mus xeem, cov neeg uas yuav mus xeem ntawv yuav tsum txiav txim seb cov kev pab twg yog cov lawv xav tau.

Mus saib daim duab kos (chart) hauv [Accommodations on the ACT® Test](#) xyuas cov cai thiab cov qauv ntawm National Extended Time (50% sij hawm ncu ntxiv) thiab qhov Special Testing (nyob rau ntawm tus neeg xee ntawv lub tsev kawm ntawv) los mus txiav txim siab seb qhov twg yog qhov phim tshaj rau koj.

Lus nco cia: Tus nqi them rau qhov kev pab rau kev xee ntawv yeej zoo tib yam xwb.

Tom qab tus neeg xee ntawv tau rau npe online rau qhov ACT lawm, ACT yuav sau ntawv hauv email xa cov lus qhia (muaj Npe tias: Requesting Accommodations on the ACT) hais txog qhov yuav ua hauj lwm li cas nrog lub tsev kawm ntawv tus neeg ua hauj lwm txhawm rau qhov thov cov kev pab thiab xa cov ntaub ntawv uas yog siv qhov Test Accessibility and Accommodations System (TAA). Tus neeg khiav hauj lwm rau qhov xee ntawv yuav tau muaj qhov [Test Accessibility and Accommodations User Guide](#) kom mus muab tau thiab muaj cov lus qhia seb yuav ua li cas thiaj mus thoob tus txheej txheem.

TSEEM CEEB! Txhua daim ntawv thov kom muab kev pab rau hnuv uas koj yuav mus xee ntawv yuav tsum yog muab xa mus los ntawm koj lub tsev kawm ntawv tus neeg ua hauj lwm hauv TAA tsis pub dhau hnuv uas tau teev tseg. Mus saib [View Test Dates](#) kom paub cov hnuv tsis pub dhau hais txog kev rau npe.

Tom qab ACT muab daim ntawv thov ACT pom zoo muab cov kev pab los xyuas tas lawm, yuav muab tus neeg xeem daim ntawv ceeb toom *Accommodations Decision Notification* ua kom tiav rau hauv TAA. Thaum ua tau daim ntawv ceeb toom lawm, tus neeg uas tau ua ntawv thov yuav tau txais ib tsab email. Tus neeg ntawd yuav tsum tau muab ib daim luam rau tus neeg uas yuav mus xeem ntawv thiab/los yog tus (cov) niam txiv/tus (cov) neeg saib xyuas. Daim ntawv ceeb toom yuav muaj:

- tus neeg uas yuav mus xeem lub npe
- tus neeg uas yuav mus xeem tus personal identification number (PIN) rau TAA
- cov kev pab uas tau pom zoo (nrog rau cov ntawv tso cai tshwj xeeb), los yog
- tsis pom zoo, yog muaj rau qhov no

yog vim li cas ho tsis pom zoo muab kev pab, yog muaj rau qhov no

Yog hais tias koj yog ib tus uas yuav mus xeem uas tsis nyob hauv lub tsev kawm ntawv ntxiv lawm los yog kom ua hauj lwm nrog koj lub tsev kawm ntawv los mus ua ib daim ntawv thov rau TAA, thov hu rau ACT ntawm 319.337.1332, nias rau 3. ACT qhov chaw pab Customer Services yuav teb koj tsab xov tooj Monday txog Friday, 8:30 a.m. mus txog 5:00 p.m. sij hawm nruab nrab teb (central time).

ACT yuav khaws cov ntaub ntawv uas koj muab txhawb koj daim ntawv thov kev pab kom tsis pub leej twg paub thiab tsuas muab siv rau qhov txiav txim muab cov kev pab rau koj nkaus xwb. Cov ntaub ntawv hais txog cov kev pab rau koj qhov xeem ntawv tsuas muab qhia rau cov neeg ua hauj lwm saib xyuas qhov kev xeem nkaus xwb thiab yuav tsis muab tso tawm rau lwm tus, nrog rau cov uas tau txais koj cov ntawv xeem uas koj tau xaiv. Tib qhov uas yuav muab cov ntaub ntawv qhia tau rau lwm tus tsuas yog thaum muaj ntawv tuaj tom tsev hais plaub tuaj kom muab los yog lwm daim ntawv uas tsev hais plaub xaaj tuaj, los yog muaj ib daim ntawv tswj txoj cai tuaj ntawm tsoom fwv tuaj kom muab.

Cov Foos Uas Mus Theej Tau Los Siv thiab Lwm Cov Chaw Muaj Kev Pab

- Kev npaj rau qhov xeem ACT® Test, Special Testing (yuav muaj qhov txuas mus saib tau qhov no sai tom ntej no!) – ib phau me nyuam ntawv tsis tau them nyiaj muab rau cov neeg uas yuav mus xeem ntawv uas muaj mob xiam oob qhab uas xeem rau qhov ACT hauv qhov kev xeem tshwj xeeb Special testing uas npaj yuav siv lwm hom kev xeem los hloov qhov no (alternate format test).
- [Test Coordinator Policies for ACT Special Testing](#) – teev cov ntsiab lus tseem ceeb ntawm cov cai thiab cov hauj lwm yuav tau ua rau ib tus tswv cuab ntawm lub tsev kawm ntawv cov neeg ua hauj lwm los mus ua ib tus khiav hauj lwm rau qhov kev xeem rau qhov kev xeem tshwj xeeb Special testing.
- [ACT DVD Usage Guidelines](#) – rau cov neeg ua hauj lwm saib xyuas qhov kev xeem los mus xeem cov neeg tuaj xeem ntawv uas yog siv cov DVDs mloog rau qhov kev xeem tshwj xeeb Special testing.
- [Sign Language Interpreter Certification Form and Request for Payment Form](#) – tus neeg khiav hauj lwm rau qhov kev xeem thiab tus kws txhais lus piav tes (sign language interpreter) yuav tsum ua kom tiav thiab xa cov ntawv no mus thaum muaj siv rau qhov no.
- [Teacher Survey Form](#) – ib tus kws qhia ntawv nyob rau ntawm tus yuav mus xeem ntawv lub tsev kawm ntawv, yuav ua tau daim ntawv no kom tiav raws li yog ib daim ntawv pab txhawb muab tso rau hauv TAA. Nws nug txog cov hau kev uas tus yuav mus xeem ntawv tau siv cov kev pab nyob hauv nws hoob.
- [Order Form for Alternate Format Practice Tests](#) – muab siv los mus ua ib daim ntawv kom tau lwm hom ntawv xeem (alternate format) ntawm ACT. Cov me nyuam kawm ntawv yuav mus nqa tau cov ntaub ntawv no los yog muab siv los mus xyaum rau hauv tsev kawm ntawv.

- [Consent to Release Information to ACT Form](#) – yuav tsum sau kom pom tseeb, kos npe rau los ntawm niam txiv los yog tus muaj cai saib xyuas, los yog tus yuav mus xeem ntawv yog nws muaj hnuv nyoog tshaj 18 xyoos, thiab muab rau lub tsev kawm ntawv khaws cia.